

"Ilinniartoqarneq pillugu inatsimmik" taaneqartup naleqqussarnissaa siunertaralugu attuumassuteqartut soorlu suliffeqarnerup iluani illuatungeriit ilinniarnermullu atatillugu atuagarsorfiit atuarfiit akuutinneqarnissaat pisariaqarnersoq pillugu apeqquteqaat allaavigalugu oqallinnissamik siunnersuut, taamaasiornikkut qularnaarumallugu, inatsisip ingerlalluarnissaa taamatullu Inatsisartuni amerlanerussuteqarluartunit innuttaasunillu tapersersorluarneqarnissaa.

Demokraatit Inatsisartuni gruppiat

Akissuteqaat

(Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu Allanut Naalakkersuisoq)

Suliffinni ilinniartunik sungiusartunillu atorfinitsitsinerni, suliffeqarfiit pisortallu inuiaqatigiinni akisussaassuseqarnerat pillugu inatsisissatut siunnersuummik naleqqussaarnissamik suliaqarnermut, attuumassuteqartut inissisimasut ilanngunnissaannik pisariaqartitsineq pillugu apeqquummik oqallinnissamat siunnersuummik Demokraatit Inatsisartuni gruppiat saqqummiussaqaarsimavoq.

Naalakkersuisut siunnersuuteqartut ilisimatissinnaavaat suliami annertuumik tusarniaanernik ataatsimiittarnernillu ingerlatsisoqareemat. Naalakkersuisut Demokraatit qutsavigaat apeqquummik pingaaruteqartumik maanna oqallisigineqartussaasimagaluartumik erseqqissaanerat pillugu, tassalu ilinniartunik amerlanerusunik aamma sungiusaammik suliffissanik amerlanerusunik qularnaarinissaq maanna inuusuttortatsinnut aamma siunissatsinnut.

Siunnersuummilu qitiusoq tassaavoq pisortaqaarfiit tamarmik, kommunini aamma Namminersorlutik Oqartussani, suliffeqarfiillu tamarmik, pisortani aamma namminersortuni, najugaqavissunik suliffinni ilinniartunik sungiusartunillu atorfinitsitsisarnermikkut inuiaqatigiinni akisussaaffeqarnerminnik takutitsisarnissaat. Tassalu Naalakkersuisut kissaatigaat suliffeqarfiit tamarmik annertussuseqartut peqataassasut ilinniartunut sungiusartunullu inissanik naammattunik qularnaarisarnerni.

Inuiaqatigiinni aningaasarsiornikkut ingerlatsinermi ajornartorsiutit annerit ilaat atugarisarput tassaavoq kalaallinik suliamik ilinniarsimasunik sulisussanik amigaaateqarnerput. Ullumikkut suliffissaaleqisortatta ilaat amerlasuut suliamik

ilinniagaqarsimangillat. Tamannalu kinguneqarpoq nunanit allaniit sulisussanik ilinniarsimasunik isaatitsuarnitsinnik, naak inuiaqatigiinni suliffissaaleqisoqaralualuta. Pissutsit taamaannerat nunatsinniit nutsertoqarnerani pissutaaqataavoq, aningaasarsiornikkut siuariartunnginnitsinnik imaluunniit aningaasarsiornitta appasippallaarneranik, inuiaqatigiit nioqutissiornerat appasippallaarmat. Ineriartornerup siuariartorfiunnginnerata mumisinniarnernani nunatsinni piginnaasaqassutsip annertunerulersikkiartornera aqutissiuusseqataassaaq. Tamanna ungasinnerusumut isigaluni tunngavissiissaaq ineriartornermut aningaasarsiornikkullu siuariartornissamut.

Naalackersuisut paasivaat inuiaqatigiinni ajornartorsiut taanna aaqiivigineqartariaqartoq. Tamannali nammineq piumasutsimik tunngavilimmik aaqqissuussinerit atorlugit naammassineqarsinnaangilaq.

Ullumikkut pissusissamisoorluinnartutut isigaarput inatsisitigut piunasaqaateqartarneq, assersuutigalugu avatangiisinik illersuinerimi, avatangiisinut akisussaaffeqarnikkut, sulisorisat illersorneqarnerisigut, avatangiisit isumannaatsuunissaat pillugu, ilaallu ilanngullugit. Tassalu ullumikkut pissusisamisoortuuvoq inuiaqatigiinni ajornartorsiutaasut pillugit inatsisiliortarneq.

Taamaattumillu Naalackersuisut siunnersuuteqartup naammagisimaarsinnaasaatut ilisimatitsissutigissavaat inatsisiliassamik piaersaateqarluni sulineq ingerlaqqissasoq, suliffeqarnermi illuatungeriinnit, oqartussanit soqutigisaqartunillu allanit peqataaffigineqartumi suleqatigiissitami.

Suleqatigiissitap suliassaa tassaavoq siunnersuut iluarsiiyigeqqittariaqarnerasoq nalilersorneqassammat, ilanngullugit suliffeqarfiit pisortanilu oqartussaaffiit suliffinni ilinniartunik sungiusartunillu qanoq amerlatigisunik atorfinitsitaqartarnissaat pillugit siunnersuummi aalajangersakkanik allannguuteqartitsinissamik pisariaqartitsisoqarnerasoq, aammalu sulianik ingerlatsivinnut assigiinngitsunut assigiinngitsunik piunasaqaateqassanersoq.

Naalackersuisut siunnersuuteqartut qutsavigaat, suliassaq qaqimmassuk oqallisineqarsinnaangorlugu, oqallinnissarlu Naalackersuisut qilanaaraat.

Oqallilluarisi.